



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

II. Disputatur de significatione dictionis [...].

urn:nbn:de:hbz:466:1-16260

nit custodia domus, & assidua intus mansio: & virginibus quidem, intra penetralia quaedia casa continentur; mulieribus vero jam maturis, intra reliquam domum. Heliodorus Charicleam in Aegypto cum Nauficlea puella, eis τῶν γυναικῶν τὴν χειρὸν, in gynecium seorsum secessisse ait: & deinde dum hæc Cnemoni nuberet, illam χειρὸν μόνον ἢ τὸ ἀδελφῶν ἐστὶ τὸ συνηθὴς εἶδέναι δαμάσπον, & τὰς ἑσπερὰς εἰς τὸ ἀσφαλὲς ἐπαυλίσασθαι. Solam ab aliis segregatam in solitum conclave venisse, & fores ad securitatem clausisse; vecte nempe intus objecto, quem nisi dimoveret ipsa, ostium aperire nemo posset. Elegans est in Achillis Tatii Erotica historia thalami descriptio, Tyri in viri opulenti ædibus constructi, & mulieri cuidam, filiae, ancillae, ad habitandum, penumque asservandum concessi. Is in aliquot cellas, seu cubicula distributus erat: ad ea per angustam femitam erat aditus: semitæ ipsius limen porta muniebat, qua quæcunque intra thalamum erant omnia continebantur. Hanc mater cubitum discedens, intus ipsa quidem claudebat, foris vero claudi curabat, sibi que per foramen claves tradi. Quæ eo refero, ut appareat quanta in his oris matrum esset in filiarum tuenda virginitate sollicitudo. Intra munitas etiam turres à Græcis fuisse aliquando conclusas ostendunt Danaës, Herus, & filiarum Lycomedis fabulæ. Ad quarum exemplum Rhodanthen suam in turriculam à patre conclusam finxit Theodoros Prodrumus, unde vix unquam pedem huic licebat efferre, ne lascivis obtutibus virorum objicere. Fere autem intra materni thalami claustra cohibebantur. Unde Hesiodus ventorum frigoribus obnoxiam non esse virginem ait:

Heliod. Æth.
libr. 5. & 6.

Ach. Tat. Erot.
libr. 1.

Theod. Prodr.
libr. 1. p. 65.

Hesiod. 177.

ἢ τε δέμων ἐνδοθε φίλην ὡς μνηστὴρ μίμνη,
ὄντο ἔργ' εἰδήα πολυγυνοῦ ἀφροδίτης.
Quæ intra domum prope caram matrem manet,
Nondum operum aureæ Veneris perita.

Hero puellam scribit Musæus intra turrim, ut dixi, à parentibus inclusam, pudoris & castitatis studio æqualium suarum ac juvenum cæctus & tripudia vitasse. In Euripidis Phœnissis, regina puella Antigone, cum exercitum Argivorum de summo tecti fastigio spectare veller, conclavi non exit sine matris licentia, & senis nutriti, viri gravis ac sapientis comitatu; qui priusquam virgo prodeat, vicina ipse illustrat loca, ne in curiosi alicujus oculos temere hæc incurrat. Phocylides in Præceptis:

παρθενικὴν δὲ φύλασσε πολυνηθείσσις θαλάμοισι,
μνηστὴρ μὲν ἀρετὴν γάμων ἀπὸ δέμων ὀφθαλμοῦ εἰδόντι.
Virginem autem custodi intra thalamos diligenter,
Neque eam sinas ante domum videri, quoad nupserit.

In Terentii Eunuchio, quæ Comœdia palliata est, Thais, quamvis meretrix, Chærea habitum eunuchi, speciemque gerenti commendat virginem, edicit ne vir quicumque ad illam adeat, & ne ab ea abscedat ipse imperat, in interiore parte ædium maneat solus cum sola. Virginem Catullus comparat Flori secreto in septis hortis nascenti, tutoque a pecoris aut aratri accessu. Sibylla eadem & virgo dicitur à Virgilio, & intra immanis antri secreta delitescere fingitur, propterea que Alma non femel appellatur, ἑστὴν ex re concinne adjuncto. Statius ex Virgilio virginem dicit domum & penates servare. Eustathius Eroticorum scriptor dentes virginibus comparat, quod labellis obsepti sint & contecti. Apud eundem viris & feminis ad Jovis templum sacrificandi causa proficiscentibus, sola Ismene virgo in cubiculo relicta est, ὅτι ἐπεὶ ἄνευ παρθένου ἀνδρῶν ἐναντίον χαρῆν. Quod virginem non debeat in virorum conspectum venire. Atque inde est, quod munera quadam novæ nuptæ dabantur à sponso & cognatis, cum primum videndi sui potestatem faciebat, quæ & ὀφθαλμοῦ, & ἀσπίδος, & ἀνακαλυπτήρια dicebantur; quod nempe revelata tum facie videndam se præberet, cum antea latuisset in abdito, hominumque visus studiose vitasset. Itaque Phurnutus, sive potius Cornutus, novas nuptas censet νύμφας idcirco dici, quod tum primum prodeant in publicum, cum antea latuissent, καὶ τὸ νύμφος φαίνεσθαι, ἀνακαλυπτήρια τῶν. Quod tum primum prodeant, cum antea latuissent. Inde etiam est, quod apud Romanos à matris gremio rapi ad nuptias virgo simulabatur, quasi ad id tempus in gremio matris abita fuisset. Patet ergo intra domorum latebras, & in secretis locis & à virorum consortio semotis educltas fuisse virgines, propterea que dictionem hanc עילמה, quæ occultam significat, non cuilibet feminae, sed ei quæ occultam coluerit vitam congruere, quod vitæ genus virgines persequi solebant. Præclare Hieronymus in hunc locum Iſtae: Alma, non solum puella vel virgo, sed cum ἐκκρυπτή, virgo abscondita dicitur & secreta, quæ nunquam virorum patuerit aspectibus, sed magna parentum diligentia custodita sit; quod & reperit in Libris contra Jovinianum. Unde sequitur hoc inter עילמה, & בתולה discriminis interesse, quod hoc virginem simpliciter, illud virginem accurata septam custodia significat.

Catull. Carm.
nupt.

Stat. Theb. l. 1.
Virg. Æn. 7.
Eustath. Erot.
libr. 3. & 5.

Phurn. De nat.
Deor. De Ne-
purn.

asserabatur, narrat fores noctu diligenter fuisse claufas, mane vero exoriente aurora easdem fuisse apertas. Quamvis igitur domesticis ministeriis interdiu vacaret Rebecca, juxta patrios mores, haud minus sollicitè propterea à parentibus, noctuque præcipue custodiebatur: unde merito *עלמה*, sive *Abfcondita* dicta est. Adftipulatur R. David Kimchi in libro Radicum, & huic nomini quod Rebecca adscriptum est, abfconditionis significationem inesse docet. Aquila quoque, ut dixi, hoc Geneleos loco vertit,

Cant. 1. 3. &
6. 7.

Abfconditam. Quæ vero ex Salomonis Cantico testimonia proferunt Adversarii, in quibus vocabulum *עלמות*, puellas jam virum passas notare putant, quippe virgines parum decuisse amatoris *κατασκευασίας* interesse, valde eos sua fallit opinio; innupti enim pueri Sponsam, innuptæ puellæ Sponsam comitabantur ad nuptias; & carminibus, tum *κατασκευασίας*, tum *δευραγωγίας* prosequabantur. Testis Theocritus in Helenæ Epithalamio, ubi virgines ante Menelai & Helenæ thalamum tripudiis & cantionibus indulgent, Testis Aristænetus in narratione amorum Acontii & Cydippes. Testis & Catullus in Epithalamio Juliae & Manlii:

Aristæn. Epist.
10.

*Vos item simul integra
Virgines, quibus advenit
Par dies, agite, in modum
Dicite.*

Et in Carmine nuptiali:

Cernitis, innuptæ, juvenes?

Et deinde:

Aspicite, innuptæ secum ut meditata requirant.

Orig. Hom. 1.
in Cant.
Cant. 6. 7.

Ex Cantico autem Salomonis Ethnicos Epithalamiorum modum formamque fuisse docet nos Origenes. Quapropter illas *עלמות*, virgines fuisse credendum est. Thori quoque expertes illas fuisse aio, de quibus sic in eodem Cantico Salomon: *Sexaginta sunt regine, & octoginta concubine, & adolescentularum (עלמות) non est numerus*. Nam quis non videt virgines intelligi, quæ si imminutæ fuissent, vel in reginarum, vel in concubinarum numerum referrentur.

Explicatur
testimonium
è Prov. 30.
18, 19.

III. Magna quoque in explicanda hac clausula è Proverbiorum tricesimo capite controversia est: *Tria sunt difficilia mihi, & quartum penitus ignoro, viam aquilæ in celo, viam colubri super terram, viam navis in medio mari, & viam viri in adolescentia*. Ebraica habent, *בְּעַלְמָה*, in virgine; quibus Christi ortum è Virgine præsignificasse Salomonem Christianorum plerique conjectant; integris quippe virginittatis septis ex utero virgineo Christum Jesum produisse. Ita intellexerunt Raymundus Martini, & Nicolaus de Lyra, aliique subinde, qui & tria superiora ad Christum referunt, viam aquilæ in celo, ad ejus ascensum in cælum, viam colubri super terram, ad reditum ejus à morte ad vitam, cum saxum ostio monumenti appositum penetravit, nullumque exitus sui reliquit vestigium, viam denique navis in medio mari, ad mirabilem ejus inter homines & mundi tempestates vitam. Adeo ut ortus ejus, vita, reditus à morte ad vitam, & ascensus in cælum, ordine præpostero hic prædicta sint. Cujus interpretationis auctorem fuisse vetustum quemdam Ebræum ferunt. Nos simpliciter locum hunc possumus explicare, difficile esse virginis à viro clam imminutæ vestigia deprehendere, si ea caute & studiose occultare studeat, quod non magno negotio fieri notum est, cum & impuras quasdam mulieres operam ad id suam venditare & præstare nimis verum sit. Viam viri in adolescentula, exponunt alii amatorias artes à viris ad virginum devinciendos animos adhiberi solitas. Quarum expositionum quamlibet sceleris, dictio *עלמה* propositum à nobis retinebit intellectum, & virginem significabit. Nam quod objicere pergunt Judæi, aliam loco huic explicationem postulare subjecta Salomonis verba: *Talis est via mulieris adulteræ, qua comedit, & tergens os suum dicit, Non sum operata malum*; cum *עלמה* mulieri corruptæ comparatur, proindeque puellam vitiatam significet, nulla id ratione concludunt, cum *עלמה*, juxta ipsos, de nuptis æque dicatur & innuptis; atque ita idem secum compararet: aut quod proximum est, scortum concubitus sui celans indicia, cum muliere adultera idem agente; quæ quod eadem sint, vel certe quam proxima, inepta penitus & absurda esset comparatio. Dicendum potius, id sibi voluisse Salomonem, tanta arte virginem oblatum sibi vitium celare, ut vix majore mulier adultera usu perita uti possit. Parum vero auctoritatis est in Aquilæ, Theodotionis, & Symmachi interpretatione, qui *עלמה* vertunt *viandæ*. Profelyti quippe fuerunt Aquila & Theodotion; Ebionita vero Symmachus; ac iis proinde adhæserunt sceleris, quæ virginittatem Mariæ Jesu matri derogarent. *Νεανίς* præterea vox anceps est, puellam vel integram vel vitiatam notans: quo vero eam usurpaverint sensu, ambiguum est. His demum opponimus Senes Septuaginta, ac Interpretem Vulgatum, quorum longe potior nobis auctoritas est.

Cadunt